

«Норуот  
күүһэ —  
көмүөл  
күүһэ!»

# ЭНГСИЭЛИ

2016 сыл  
Ахсынньы  
6 күнэ  
Оптуорунньук  
№143 (10538)

12+

1935 сыл алтынньы 5  
күнүгэр төрүттэммитэ

Нам улууһун хаһыата

1996, 2005, 2009 сылларга  
«Сыл бастыг хаһыата»

## БЭҕЭНЭЭ... БҮГҮН... САРСЫН...

Улуус баһылыгын  
мунһабыттан  
бэлиэтэһиннэр

Ааспыт нэдиэлэлэргэ Ленскэй нэһилиэккэ элбэх кыбартыралаах дьыаллар, музыкальнай оскуола тымныыа сылдыбыттарга бэлиэтэммитэ. Ону туоратарга анал хамыһыһыа тэриллэн, чопчу ханнык дьыаллар тымныыалларын быһааран баран, «Намкоммунтеплезнерго» АО СХТ котельнайыгар 50 кВт ноһуос туруорда.

Кэлэр 2017 сыл Россияҕа Экология сылынан, Саха өрөспүүбүлүкэтигэр Ыччат сылынан уонна улууспутугар государственнай уонна партийнай деятель М.К. Аммосов төрөөбүтэ 120 сыла биллэриллэр. Манна араас тэрээһиннээх, кизг хабааннаах былаан оһоһуллар.

Поэт Н.М. Рыкунов төрөөбүтэ 80 сылынан тус сыллаах программанан үбүлэнэн, кыһа В.Н. Рыкунова бэлэмнээбит кинигэ бэчээттэнэн сүрэхтэннэ. Кинигэ презентациятыгар биригэ үлэлээбит, алтыспыт улуус, республика суруйааччылары, улуус дьаһалтата кыттыыны ылбыттар.

Намнааҕы ветеринария управлениета иһитиннэрбитинэн, мониторинг түмүгүнэн, сылга, сүөһү туруга улууспутугар үчүгэй. Витаминизация үлэтэ ыытыллаары турар. Уотурбанан брикеттери оноро сылдыаллар.

Спорт салаатыгар СР гиирэ федерациятын кубогар хамаанданан бастыыр иһин турнир буолан ааста. Күрэхтэһиигэ 11 хамаанда, 137 спортсмен кыттыыны ылбыт. Бастакы кирбиигэ Уөһэ Бүлүү, иккис миэстэҕэ Чурапчы уонна үһүс миэстэҕэ Нам улуусун хамаандалара табыстылар. «Манчаары ооньуутугар» бэлэмнэни чэрчитинэн, Охлопковтар бириистэригэрчэпчэки атлетика күрэхтэһии ыытыллыбыт.

Бэлиэтэниэ С. АРГУНОВ

## Итэҕэл нөҕүө — быһаныыга

Ахсынньы 1 күнүгэр архиепископ Роман Нам улууһугар кэлэ сырытта. Кини, бастатан туран, Ленскэй нэһилиэккэ Предтеченскэй храмга сылдьан протоиерей Павел Слепцову, Дьокуускайдааҕы духуобунай семинария хорун студенаарын, преподавателлэрин кытта церковнославянской уонна сахалыы тылынан молебэн толордо. Манна Предтеченскэй храмга



## НАМҞА ВЛАДЫКА РОМАН СЫРЫТТА

сылдыааччылар, нэһилиэк, улуус дьоно, оскуола үөрэнээччилэрэ уонна «Нам улууһа» МТ баһылыга Александр Атласов кыттыыны ыллылар.

Таһара сулууспатын кэн-

ниттэн владыка Н.С. Охлопков аатынан улуустааҕы гимназия үөрэнээччилэрин кытта көрүстэ. Гимназияга экскурсия тэрийэн музейга сырытыннардылар. Манна үөрэнээччилэр хас биридии салааны: гимназия тэриллитин, Н.С. Охлопковка аһаҕас стэндэни, выпускниктар альбомнарын, талааннаах оҕолор оҕоһуктары, спорка, үөрэххэ ситиһиллэрин билиһиннэрдилэр. Онтон архипа-

ис дууһата хайдах буолуохтаабыт?», «идэни хайдах талабыт, билиһини кэм ирдэбиллэнэн дуу, баҕа санаабытынан дуу?», — диэн ыйытылары биэрдилэр.

Былаан быһыытынан улуус дьаһалтатыгар салайааччылары, кыраайы үөрэтээччилэри кытта төгүрүк остуол буолла. Манна Т.П. Никонов, А.М. Полякова «Православная церковь и школы Намского улуса Якутской области» диэн ки-



стыр үрдүкү кылаас үөрэнээччилэрин кытта бэсидэлээтэ, «Якутии Небесный покровитель» диэн киниэни көрдөрдө уонна сахалыы тылынан сана бэчээттэнэн тахсыбыт «Соломон аман өһө» кинигэни билиһиннэрдэ. Маны таһынан, оскуола библиотекатыгар Дьокуускайдааҕы эпархия бэчээттэтэн таһаарбыт «Святитель Иннокентий (Вениаминов) в Якутии», «Божьи люди» уонна оҕолорго аналлаах Библия кинигэрин биэрдэ. Көрсүһүүгэ үөрэнээччилэр «дьол диэн тугуй?», «киһи

нигэни көрдүлэр, ырыттылар. Оскуолага Россия культураны билиһиннэри чэрчитинэн религиознай культураны уонна светскэй этиканы үөрэтии, архитектурнай паамытынныкка кирибит Атамайдааҕы таһара дьэтин көрүүтүн-истиитин, Түбэҕэ Культура диэн сиргэ часовня тутуутун, Намнааҕы Предтеченскэй храм өрөмүөннүүр үлэни ыытыты тула кэпсэттилэр

С. АРГУНОВ,  
«Нам улууһа» МТ пресс-киһэ

## Киин нэһилиэккэ

Ааспыт субуотаҕа, ахсынньы 3 күнүгэр, киин нэһилиэкпит кылаабынай болуоссатыгар Саҥа дьыллааҕы харыйа уота тырымныы умайда. Болуоссат быйыл хаһаанчытааҕар да киркэйбит, муус оҕоһуктара элбээбит. Саамай көстүүлээх, дьон хараҕа хатанар оҕоһугунан куба ойуулаах уоттаах фонтан буолла. Онон абылаһааҕа бырааһыннык мэнгэ бэлиэлэрэ сүүс араас лаампанан сандаран, элбэх киһини умсугута мустулар. Оҕо-аймах, улахан да дьон сыртан дуоһуйа сырылаатылар. Оҕоһуктары чугастан көрөн бэркэ астыннылар. Бырааһыннык бэйэтинээҕэр, кэтэһиитэ-манаһыта күндү буолааччы. Ол иһин эбитэ дуу, биитэр араас өгнөөх мөһүүрэнэн кылабаччыга ооньуур болуоссаты остуоруйа дойдутугар холоон, оннооҕор аҕам дьон туох эрэ дыктини, кэрэни эрэйэ кэтэһэллэриттэн эбитэ дуу, үмүөрүһүү, үтүрүсүү үлүгэрэ буолла. Тымныы Моруос оҕоньору, Снегурочканы, Чысхааны, Хаарчаананы харыйаҕа диэри нэһилэ аһардылар. Сылга биридэ кэлэн аһар дыкти кэм чугаһабытын биллэрэр үөрүүлээх чааска тыл этээччилэри: Ленскэй нэһилиэк баһылыга

## САҢА ДЬЫЛЫ ЧУГАҞАТАН...



А.Г. Новгородовы, улуус баһылыгын солбуйааччы И.И. Сивцеваны уонна Тымныы Моруос оҕоньору, Чысхааны, Хаарчааналарын кытта харыйаҕа эпсэри анһа сыстылар. Чэ, ол да буоллар Саҥа дьыл чугаһабыта билиннэ. Ол, бастатан туран, болуоссаты оҕорбут, киэргэппит дьон көмөтүнэн ситиһилиннэ. Быйыл манна Алексей Федосеев биригээдэтэ үлэлээтэ. Бары билэ

- көрө сылдыарбыт курдук, киһилэр биһиэхэ бырааһынныгы бэлэхтээри сэтинни ортотуттан үлэлэрин саҕалаабыттар. Дьыбардаах тымныыны аахсыбакка, түүннэри - күннэри турунан туран дыкти, алыптаах көстүүнү чочуйан таһаардылар. Онуоха, чуолаан, оҕо-аймахха аһаҕас тэрээһиммит тэпсилгэнгэ кубулуйа сысыпта хомолтолоох. Тэрийээччилэр бэлиэтээ-

биттэринэн, манньк сиэрэ суох үтүрүһүү, үмүөрүһүү ааспыт сылтан саҕаламмыт. Остуоруйаны, дьингэ, дьон онгорор. Ону сүүрүнүй сүпсүлгэнгэ кубулуппакка, инникитин сиэрдээхтик, бэйэ бодотун тардына соҕустуттан - хаптан сылдыарбыт эрэйиллэр. Сылга биридэ кэлэн аһар алыптаах, дыкти кэм кэрэ түгэннэрин буортулаабатгына.

Л. НОГОВИЦЫНА

## УЛУУСПУТ ЫТЫҒАБЫЛЛААХ ОЛОХТООХТОРО!

Ахсынньы 8 күнүгэр, чэппиэргэ, 18 ч. 15 м. — 19 ч. диэри олохтоох телеканалга улуус баһылыга А.П. Атласов «Аһаҕас эфир» ытытылар.

Темата: социальнай хайысхаҕа ыйытылар уонна хоруйдар. Ыйытыларгытын 42-1-39, 89841186934, 89141062123 нүөмэрдэргэ эрдэ биэриэххитин сөп.

«Аһаҕас эфиргэ» көхтөөхтүк кыттаргытыгар ынырабыт!

## ОЛОХТОН ХААЛЫМА!

«Энгиэли» хаһыакка сибээс отделениеларынан, общественной суртааччыларынан 2017 сыл бастакы аһарыгар суртууу ытытылар.



6 ыйга — 600 солк.,  
3 ыйга — 300 солк.,  
1 ыйга — 100 солк.  
Хаһыат индексэ — P0005,  
нэдиэлэҕэ иккитэ таһар.

СУРУТУУ -  
2017



Россияда Ийэ күнүн көрсө

Сэтинньи 27 күнүгэр Россия Ийэлэрин күнүн бэлиэтиир үгүс тэрээһиннэр буолан аастылар. Үөрүүлээх түгэн чэрчитинэн сэтинньи 25 күнүгэр Дьокуускай куоракка Саха сириг бырабытыталыстыбата республика элбэх оҕолоох ийэлэрин кытта көрсүһүүтэ буолла. Бу күн оҕону иитиигэ үтүөлөрдөөх күн-күбэй ийэлэр чыстэннилэр. Ил Дархан Егор Борисов наҕараадалары туттарда, ис дуһаныттан ир-хоро кэпсэттэ. Нам улууттан «Знак высшей благодарности матери» бэлиэни Модут нэһилиэгиттэн Ытык ийэ Екатерина Афанасьевна Лукинова үөрүүлээх түгэннэ тутта. Бу бочуоттаах ааты республикаттан икки ийэ ылбытыттан биирэ Нам улууттан буолбутунтан биһиги олус үрдүбүт, киэн тутта санаатыбыт.

Бүгүн улахан дьэ кэргэн ытыктанар ийэтин туһунан кэрэхсии кэпсэһипитин баҕарабыт.

Модут нэһилиэгэр 1980 с. Екатерина Афанасьевна уонна Николай Николаевич Кутуковтар диэн ыал баар буолбута. Ол кэмтэн ыла номнуо 36 сыл ааһа оууста. 3 оҕону төрөтөн, 3 оҕону иитэн, билигин 15 сиэннээх, 11 хос сиэннээх нэһилиэк биир ытыктанар ыала.

Екатерина Афанасьевна 1967 с. Намнаагы педагогическай училищаны бүтэрэн, кыра кылаас учууталын идэтин ылбыта. Үлэтин Үөдэй аҕыс кылаастаах оскуолатыттан саҕалаабыта. Арбын, Көбөкөн оскуолаларыгар таһаарылаахтык үлэлээбитэ. 1974 с. Модут оскуолатыгар кыра кылаас учууталынан, иитээччинэн, социальнай педагогунаан, барыта 42 сыл үөрэх эйгэтигэр бэ-



го соревнования 1979 года», 1990 с. «Старший учитель», 2001 с. «Отличник образования РС (Я)», 2004 с. «Педагог-мастер», 2008 с. «Почетный гражданин Намского улуса», 2011 с. «Почетный работник общего образования РФ» ааттары ылбыта, 2010 с. «Трудовая слава Якутии», «Педагогическая энциклопедия» кинигэлэргэ

Кыра кыыстара Егорова Екатерина Николаевна - үрдүк үөрэхтээх юрист уонна экономист. Саха республикатын правительствотын атыылаһыы саалаатын сүрүн специалиһа. Кэргэнэ А.Д. Егоров Новосибирскай «Компьютерная сеть» Дьокуускайдаагы филиалын салайааччыта. 1 оҕолоохтор.

Екатерина Афанасьевна бииргэ төрөөбүт балта Александр Ивановна эрдэ олохтон туораан, кини 3 оҕотун кыра эрдэхтэриттэн иитэн, дьон бастына онордо. Ийэлэрин суохтаптаата.

Ииппит улахан кыыстара Макарова Надежда Ивановна - Нерюнгри куорат оскуолатын биир бастыг кыра кылаас учуутала. Саха республикатын үөрэҕиритин туйгуна. Төрөптүттэр билиитин керүүтүн, майгытын кэрэхсээн оҕолорун Надежда Ивановна үөрэттэргэ дьулуһаллар. Кэргэнэ Иннокентий Васильевич - «Алмазы Анабара» тэрилтэ слесар. Надежда-лаах Иннокентий оскуола саҕатан доҕордоһон, таптаһан, саха ыала маньык буолуохтаах диэн үгүс дьонго холобур буолаллар. 2 оҕолоохтор. Уоллара Дмитрий - «Вести Саха» бастыг корреспон-

дэ. Россия суруналыстыарын сойууһун чилиэнэ. 2012, 2014 сс. аан дойдутаагы суруналыстыр күрэхтэрин кыайылааҕа. 2014 с. «Лучшее журналистское расследование» аат кыайылааҕа. Россия күннэтэ Дмитрий сонуннарын кэрэхсээн истэр. Нууччалы тылын-өһүн байын, кылгас кэмгэ түргэн хаачыстыбалаах, дириг ис хоһоонноох сонуннарын киһи эрэ барыта сэргий. Кыыстара Марина - Москвааагы государственной университет устудьуонката.

Ииппит орто кыыстара Бобровская Христина Ивановна 4 оҕолоох. Христина улахан кыыһа Александра Васильевна - үрдүк үөрэхтээх бухгалтер. Бинтиэпкэнэн ыгыынан дьарыктанар. 3 төгүл улуустаагы «Уһун суһуох» күрэх кыайылааҕа. Орто кыыс Луиза Васильевна — тыа хаһаайыстыбатын техникумун устудьуонката. Кыра кыыс Намыына дизайн колледжыгар үөрэнэр. Волейболга, хайыһарга талылыбыт хамаанда чилиэнэ, «Ларедо» үнкүү ансаамбылыгар дьарыктаммыта.

Ииппит кыра кыыстара Гоголева Августа Ивановна — Арбын орто оскуолатын директорун үөрэх чааһыгар солбуйааччы. Гоголевтар - Арбын нэһилигин туттаах дьоно. 2 оҕолоохтор. Уоллара Евгений — ХИФУ устудьуона. Кыыстара Алина Арбын орто оскуолатыгар туйгунук үөрэнэр. Августа Ивановна илэҥ кэмгэр маһынан уһанарын сөбүлүүр. Уус уран самодеятельность көхтөөх кыттааччыта. 1989-2003 сс. волейболга улуус хамаандатын чилиэнэ, остуол тенниһигэр улуустаагы ветераннар күрэхтэрин мунутуур чемпиона.

Ити курдук Екатерина Афанасьевна, Николай Николаевич уопастыбаҕа туһалаах, элбэх эйгэҕэ ситиһиилээх, саҥа керүүлээх, олоҕу хамсатар дьобурдаах граждандары иитэн таһаарыттарыгар барҕа махтал. Екатерина Афанасьевна, үрдүк наҕарааданнан ис дуһанытыттан сүгүрүйэн туран эвэрдэлибит. Эһиэхэ бар дьонун махталын аныыр.

Анастасия КОРЯКИНА

Улуус баһылыгын колонката

ААСПЫТ НЭДИЭЛЭБЭ

ААҒААЧЧЫ, ДОРООБО!

Ааспыт нэдиэлэҕэ интернет ситимигэр, онтон форумнарга улуус дьаһалтата икки «Мицубиси-Аутлендер» диэн массыынаны атыылаһарга биллэриин таһаарытын тула балаҕа кыэн кэпсэти тахсыбытыгар быһаарыы биэрэр сөптөөх буолуоҕа.

Бастатан, улуус дьаһалтатыгар балансаҕа баар 5 массыынаттан билинги туругунан 2 эрэ сүүрэр, 3 өрөмүөнгө турар. Бу специалисттар тус эбээһинэстэрин толороллоругар үгүс эрэйи үөскөттө, суһал наадаҕа үлэһиттэр таксинан сылдьарга күһэллэллэр, ардыгар хойутааһыннар тахсаллара үлэҕэ охсуулаах буолар.

Иккиннин, Якт.ру иһитиннэриитигэр уонна форумна кэпсэтигэ бу массыыналары олорчу бюджет суотугар атыылаһар курдук этиллэр. Онуоха 1,5 мөл. солк. суумаҕа бастакы төлөбүрү 5 эргэ массыыналары (2002-2004-2008 сылларга оҕоһуллубуттар) аукционна атыылаан киллэрбит үбүнэн сабар былааны билиһиннэрэр оруннаах. Онтон ордуубут икки сыл устата лизинг быһыгынан төлөнүөхтээх.

Үсүһүнэ, ити ахтыллар «Мицубиси-Аутлендер» массыыналар билигин саамай чөпчэки, сыаналаах, ол эбэтэр бюджеттэй дэнэр моделлар буолаллар. Ону суоппардар үчүгэйдик биллэллэр. Бу Россияҕа хомуллубут, таһылыбыт массыыналар буолаллар.

Оттон УАЗ, «Газель» курдук массыыналар, хомойуох иһин, хаачыстыба, ГСМ ороскуотун, айанна куттала суох өтүнөн билигин да ырааһынан эһиэттэспэттэр. Дьаһалта нэһиликтэринэн, улуустарынан уонна куоракка кэлиитин-барытын тулуйбаттара, саппаас чааска ГСМ ороскуота олус хоромньулаахтара чөпчү биллэр. Атыылаһарга кэмчылээһин — кэлин хас да бүк ороскуоттаах буолан тахсар.

Төрдүһүнэ, сорохтор улуус дьаһалтата бу сакааһы «Колмига» (ген. директор Румянцев Н.И.) «тэбэн» биэрбитин курдук кэпсээллэр. Бу төрдүттэн олоҕо суох этии. Сайаапка аһаҕастык, анал сайт нөнүө тахсыбыта. Манна ким баҕарар кыттар, атыылыыр сыанатын көрдөрөр кыахтаах, син биир аукцион быраабылатынан. «Колми» манна кыттарыгар дьаһалта ханнык да сабыдыал онгорбото өйдөнөр. Эбэн эттэххэ, аукционна элбэх тэрилтэ кытыннаһына, атыыланар сыана балаҕа түһүөн сөп.

Бэһининэ, бу атыылаһыллар массыыналар ким да тус туһатыгар буолбакка, уопсай туһаныга киририллэр, улуус бааһа-дуола буолаллар. Ону ханнык эрэ коррупционнай дьайыы курдук сыаналыы сатааһын сатамат.

Уонна, түмүктээн эттэххэ, олох хаамыытын, үлэ-хамнас тэрээһинин кризискэ сиктэнэн хайдах да тохтоппоккун. Улуус дьаһалтата тустаах боломуочуяларынан тизирдиллэр сороктары толорор эбээһинэстээх, улууска, республикаҕа үгүс тэрээһиннэргэ кыттыыны ылаахтаах, кэлиин-барыы син биир баар буолар.

Ол инниттэн дьаһалта автопаркатын сөптөөх кэмгэр сагардан, үлэһиттэр тустаах эбээһинэстэрин болдьоор, туох да ингиттэ суох толороллорун хааччыыы миигиттэн, салайааччы быһыгынан ирдэнэрин таба өйдүөххүт дии саныбын.

Александр АТЛАСОВ

Уран уустар

КУРУСТААЛ МАТЫЫП ЛЫНКЫНААТА



«Кыһын Саха сириттэн саҕаланар» фестиваль чэрчитинэн, «Бриллианты Якутии» диэн норуоттар икки ардыларынаагы муус, хаар оҕоһук куонкурсугар бэлиэтэбиһит курдук, Намтан 3 хамаанда кыттыбыта. Кинилэртэн Роман Петров, Иван Румянцев «Хрустальная мелодия» диэн композициялар муустан номинацияҕа бастакы миэстэни ыла. Оттон Василий, Анатолий Аргуновтар РФ, СР худоһунньуктарын союһун чилиэнэ, республика гербэтин автора, муустан, хаартан куонкурстар бастакы тэрийээччитэ Владимир Игнатьев анал бириһинэн бэлиэтэнилэр. Аргуновтар «Ыра санаа» диэн композицияны онгорбуттар.

Куонкуруска Монголиятан, Кытайтан, Магадантан, Хабаровскайтан, Москвадан, Дьокуускайтан уонна бириддиэлэн улуустартан хамаандалар кыттыбыттар. Быйыл кини куораттан оскуола үөрэнээччилэрэ ааттаах-суолаах маастардары, уустары кытта тэнгэ үлэлээбиттэрэ кэрэхсэммит.

Мантан антах, аны саас хаар ууллуор диэри, бу сэдэх, уустук тутуллаах эрэри нарын уус-уран оҕоһуктар куорат «Северное сияние» пааркатыгар дьон-сэргэ хараһын үрдүөхтэрэ. Манна сылдьар түгэннээх буоллаһытына, биир дойдулаахтаргыт чочуйан таһаарыт дьэҥкир ыраас курустаал матыыптарын, баҕа санааларын хаартан, муустан лынкыната ыллаптыттарын көрөн, сөбөн-махтайан ааһарын.

Л. НОГОВИЦЫНА

МАХТАЛ, ЭЙНЭХЭ, ИЙЭБЭ!



Конкурс «Эйэбэс эбээ»

риниэлээхтик үлэлээн пенсияҕа тахсыбыта. Билигин уопастыбаннай олох үөһүгэр сылдьар. Ол курдук, «Тулук хаара» улуус мелодистарын, «Отуу уота» литературнай түмсүүлэрин чилиэнэ, Нам улуунун кыраайы үөрэтээччилэрин, «Ытык Сүбэ» уопастыбаларын чилиэнэ.

Өр сыллаах учуутал үлэтин «Ветеран педагогического труда», «Отличник просвещения РСФСР», «Методист-воспитатель РС (Я)», «Учитель учителя», «Почётный ветеран системы образования РС (Я)», «Почётный гражданин Намского улуса», «Почётный гражданин МО «Модутский наслег». «За внесённый вклад в развитие культуры и духовности населения» бэлиэлэр уонна ааттар кэрэхсээлиллэр. 2010 с. «Педагогическая энциклопедия» 4 томугар килэриллибитэ. Ити курдук Екатерина Афанасьевна айбыта-туппута барыта үтүө түмүктэнэр сэдэх уратылаах киһи.

Шал ытык аҕата Николай Николаевич 6 оҕо иитиллэригэр, үөрэхтээх, үлэһит киһи буоларыгар бэйэтин холку майгытынан, олоххо дьулуруунан улахан оруоллаах. Дьэ кэргэн тулхадыйбат туттааҕа, эрэллээх эркинэ.

1975 с. Саха гос. университетин бүтэрэн, физика учууталын идэтин ылбыта. Ол сылтан ыла Модут оскуолатыгар таһаарылаахтык үлэлээбитэ. Өр сыллаах энкилэ суох үлэтин иһин 1980 с. «Победитель социалистическо-

аата-суола үйэтитиллибитэ.

Кутуковтар 6 оҕолорун киһи сизиринэн бэйэлэрин холобурдарынан иитэннэр, ыччаттара бары үөрэхтэнэн, үлэҕэ-үөрэххэ, кэрэҕэ-сырдыкка тардыһаллар.

Ол курдук, улахан кыыстара Атласова Любовь Гаврильевна үрдүк үөрэхтээх психолог, 3 оҕолоох, 5 сиэннээх. Таастаах нэһилиэтин баһылыгын солбуйааччынан уонна экономийынан үлэлиир. Нэһилиэккэ улаханньык ытыктанар киһи. Үчүгэйдик ылыыр, уус уран самодеятельность уонна спортивной күрэхтэр көхтөөх кыттааччылар. Любовь улахан кыыһа Герасимова Туйаара Андреевна - Покровскай куорат музыкальной оскуолатын директорун иитэр үлэҕэ солбуйааччы. Кыра сааһыттан республика, улуус таһымнаах ырыа күрэхтэрин кыайылааҕа. Кыра кыыс Матрена ХИФУ филология факультетын бүтэрбитэ. Уола Айтал - Хатын Арыы орто оскуолатын 10 кылааһын үөрэнээччитэ. Үөрэх бастына. «Хотугу сулус» куонкурус хас да төгүллээх дипломанна.

Уоллара Кутуков Алексей Николаевич Намнаагы педагогическай колледжы бүтэрбитэ. Технолог-дизайнер идэлээх. Аныгы киһи сизиринэн «Строй» тэрилтэ тэринэн, тутуунан дьарыктанар урбаанньыт. 5 оҕолоох. Алексей - буулдунан ытыгыга улуус хас да төгүллээх призера.

Кыргытара Валя уонна Эмилия — үөрэх туйгуннара.



В республике налажена инфраструктура поддержки малого и среднего бизнеса, предоставляющая финансовую, имущественную, информационно-консультационную и образовательную поддержку предпринимателям на любом этапе развития. Туда входят Центр поддержки предпринимательства, Бизнес-школа, Бизнес-инкубатор, Фонд развития предпринимательства и другие институты, курируемые министерством по делам предпринимательства и развития туризма РС(Я).

Часто начинающие предприниматели не знают, как подступить к развитию своего дела. Не знают, что могут претендовать на субсидии, инвестиционные займы, на другие льготы. Бывают люди,

по адресу portal.b14.ru.

Во вкладке «Институты развития» собрана информация обо всех институтах развития предпринимательства в Якутии. Информация самая полная: на сайте показано, где, какие услуги и на каких условиях предоставляются, какие проекты реализуются и т.д. Особого внимания заслуживает интерактивная карта институтов развития муниципальных образований, где наглядно отображено, какие учреждения работают в районах республики.

Во вкладке «Бизнес-сообщество» собрана информация об общественных организациях, работающих на территории Якутии, а также о координационных советах по предпринимательству. Начинающим предпринимателям

телей вся информация рассортирована по территориальному признаку. Узнать какие конкурсы открыты на данный момент именно в его районе, предприниматель может во вкладке «Муниципальные образования».

«События» – новости и события, касающиеся предпринимательского сообщества Якутии. Лента новостей обновляется ежедневно. Очень полезная функция нового ресурса – постоянно пополняемая база мероприятий. Информация о каждом из них указана в интерактивном календаре – предприниматель может узнать темы семинаров, дату и время их проведения.

Одной из особенностей нового ресурса является онлайн биржа контактов. Действует она следую-

# УЗНАЙ ВСЁ О ПРЕДПРИНИМАТЕЛЬСТВЕ

которые решают стать бизнесменами без какого-либо знания об азах предпринимательства, например, о налоговых режимах. Республиканский Центр поддержки предпринимательства нацелен на помощь им. Наши консультанты ответят на все вопросы, посоветуют наиболее эффективные пути развития бизнеса.

В прошлом году мы начали разработку портала малого и среднего предпринимательства РС(Я), где бы любой мог найти информацию о поддержке предпринимательства в республике. Сейчас ресурс работает, доступен

будут полезны контакты, интересующих их ассоциаций и союзов. Указаны также условия вступления в то или иное общественное объединение предпринимателей. «Формы поддержки» – всё об имущественной, финансовой, информационно-консультационной поддержке предпринимательства. Информация хорошо структурирована, что позволит предпринимателю быстро найти интересующую его субсидию или грант. Также он может свериться, соответствует ли его бизнес всем конкурсным условиям.

Для удобства предпринимателям

формированной базе предпринимателей, заинтересованных в сотрудничестве с другими. Если партнеры находятся, то они могут отправить ему заявку о назначении встречи. Традиционные биржи контактов уже зарекомендовали себя как эффективный инструмент развития предпринимательства, теперь пользоваться их преимуществами стало еще проще.

В прошлом году в республике началась работа по созданию института бизнес-наставников. Основной площадкой для него станет новый портал. С помощью ресурса во вкладке «Бизнес-наставничество» можно подать заявку для того, чтобы стать наставником или наставляемым.

Во вкладке «Закупки» осуществлена интеграция с официальным общероссийским сайтом по размещению государственных и муниципальных заказов. Установлен фильтр с выборкой закупок размещенных заказчиками, расположенными на территории Республики Саха (Якутия), для участия субъектов малого и среднего предпринимательства.

Также размещается информация об образовательных семинарах по 44-ФЗ и 223-ФЗ для субъектов малого и среднего предпринимательства.

Во вкладке «Все о проверках» размещена информация о проверках, проводимых контрольно-надзорными органами в отношении юридических лиц и индивидуальных предпринимателей. Размещена ссылка на страницу сайта прокуратуры Республики Саха (Якутия), с планом проверок. Также размещаются ссылки на сайты контрольно-надзорных органов с результатами проведенных проверок.

Вкладка «Рынок труда» объединяет общую базу вакансий в сфере малого и среднего предпринимательства. Интеграция происходит с сайтом Департамента занятости населения РС(Я). В данном разделе размещаются вакансии, в которых предполагается долгосрочное сотрудничество, либо периодическое выполнение работ (например, 1 раз в неделю/месяц и т.д.). Соискатель должности в графе поиск может написать интересующую его профессию, а также выбрать интересующий его

район Республики Саха (Якутия). Также возможен поиск вакансий по размеру заработной платы.

Если раньше за консультацией специалиста необходимо было подойти в Центр поддержки предпринимательства РС(Я), то на портале эту услугу вы можете получить в электронном виде. Оставьте свой вопрос в разделе «Задать вопрос», и консультант отправит вам ответ по электронной почте или если вы укажете свой номер телефона, перезвонит вам в тот же день.

В рабочее время традиционно работает телефон бесплатной «Горячей линии» 8-800-100-5880, по которому консультанты ответят предпринимателю или человеку, желающему вступить на путь предпринимательства, на все интересующие вопросы.

За личной консультацией по предпринимательству в нашем улусе можно подойти по адресу: с. Намцы, ул. Ленина 18А, «Бизнес Инкубатор в с. Намцы», 2-й этаж, 17 кабинет. Конт. тел.: 41-8-03 89248737751

Представитель Центра поддержки предпринимательства: Бугаев Б.Б.

## Дьыллар уонна дьылбалар

(Бүтүүтэ. Иннин 141-142 нүөмэргэ көр).

Сыһа туттаран биирдэ эмэ табыстабына, баар-суох араҥаччылыыр киһилэрин аһатан-сизэтэн баран, олбуорун аанын аһан, киллэрэн утутан кэбиһэллэрэ.

- Бэбэһээ маҕаһын иннигэр милициялар бөҕө бааллара. Хайдах туппахтарай? - диэн сарсыарда Хабырыс эмээхсинтэн ыйытара.

- Бу алдьархайдаах аарыма киһи быластанан кэлэн иһэриттэн куттаннахтара дии, - диэн Барыскай күлэрэ.

Хабырыстаах үс уол, үс кыыс оҕолоохторо. Улахан кыыстара өссө соҕуруу төрөөбүтэ. Бэйэтинэн аҕыс айабы аһатара. Саамай таптыыр кыра кыһа сүрүө ыалдьар буолан, Москвага анал балыһаҕа сытара. Хабырыс кыһын билсэ сөп-сөп Москвага баран кэлэрэ.

Маҕнайгы барытыгар билбэккэ, балайда сылдыа түһэрим буолуо диэн төннүү билиэтин хойут бараргына ылынан кэбиһпитэ, моһуоктаах буолан тахсыбыта. Дьыалатын барытын ситиһэн бүтэн, ол көтүөхтээх күнүн күүппэккэ, эрдэ көтө охсуон бааран, «Домодедово» аэропорка хас да күн тиэстибитэ.

Сахалары көрсөн, харчы иэс көрдөөн ыйыталаһа сылдьан, биир Намтан сылдыар киһини булбут. Педучилищега устудуоннары үөрэтэр киһи буолан биэрбит. «Билиэтим хойукку баҕайы, кассирдарга эбии харчы бэриг биэрдэхпинэ бүгүн, сарсын көтөн халыахпын сөп. Абыраа, харчыта иэһээ. Мин эмиэ Намна олоробун. Аатым Москвитин Гаврил Дмитриевич. Нам барыта билэр киһитэбин. Иэскин хайаан даҕаны тийиэт төнүннэриэм», - диэн илэмэ-салама түспүт. Киһитэ кэтэмэҕэйдэбитигэр,

өссө чуолкайдаан, ылыннарылаах буоллун диэн, кэлэр-барар омок айан дьоно баҕар куһаҕан ааппын истиэхтэрэ диэбитти киһитин туора ыгыран таһааран: «Итэҕэйбэт буоллахына, хос аатым Харах Баһар диэммин, баҕар истибитин буолуо,

сааһырбыт, элбэх наҕараадалаах киһи түүннэри-күнүстэри кистээн арыгы атыһылыр буоллабына, кини кимий? Киһи туга ханныга ордук былаас уларытыгыгар онно дьэ, дьэҥкэтик көстөөччү. Биир да улуска Харах Баһар

тыы сылдыааччылар. Ол олоххо баар суол. Уол оҕо төрөөтүөнү, эр киһи үксүн төрдүлэрин хасыһан өлбүтүтэн, тыһынаабыттан тутулууга суох кинилэр ааттары хаттаан тилиннэрэн аат бэрдэрэ сатааччылар. Кыыс тө-

кэннэ сирэйигэр-хараҕар, тас оҕоһуугугар ханылыы аат биэрэр бидан көмөлөөх буолуон сөп. Ордук Александр диэн ааты аатырдаллар. Эр киһи бэйэтигэр эрэллээх уонна туруоруммут сылын ситиһэргэ дьулуурдаах. Кини тойон буоларга айылҕаттан ананан төрөөбүт курдук. Оттон Евгенийы олус үлэһит, ол гынан баран ыараханы көрүстэҕинэ ыксыыр, салайааччы буолуоһунаабыт, ордук толорооччу үлэһит эбээһинэһин кыһа-хото тутуо диэн этэллэр.

Туох да диэн кэпсээбит иһин, ааттар бары үчүгэйдэр. Куһаҕан аат диэн суох. Ааты киһи бэйэтэ тупсарар да, алдьатар да аналлаах. Арай хохоньуттар хохон кибиин ыспараары, хобу-сиби таһааччыны үксүн Хобороос диэн ааты тутталларыттан, төрөһүтүтэр билигин кыргыттарыгар Феня диэн ааты биэрбэт да буолулар. Хопко-сипкэ ханнык баҕар дьахтар аатын киллэриэххэ сөп бөҕө буоллаҕа.

Хобороос диэн ааты көмүскээн этэр буолбатахпын. Арай оҕо эрдэбиттэн бэриллэн хаалбыт хобдох ааттар сүтэн-оһон биэрбэккэ, олохторун тухары эрэйдиллэрэ чаччы. Дьэ, биир оннук аатынан кэпсээним геройа буолар. Ыччаттардаах киһи аата-суола син-биир тарбаһан бара турар идэлээх. Харах Баһар диэн аат, арааһа, аан дойду үрдүнэн соҕотох аат быһыылаах. Баар эбитэ буоллар, боксердарга баар буолуон сөп. Өрүүтүн харахтарын көрөрдүһэр, түрүт көстүбэтгына ибилитэ сынныһан баран, тоҕо эрэ харахтыын баһыстыбит диэбэттэр ээ. Боксердар ортолоругар эн Харах Баһар диэн ааттаах боксеры буларын сарбах. Оннук ньиригэрдээх аат суох, иһилиббэт даҕаны. Арай Намна эрэ баар этэ.

**И. ЕЛИСЕЕВ — УСХААН, Нам сэл.**

# ХАРАХ БАҔАР

блокноккар барытын сурун», - диэбитигэр, киһитэ ону эрэ истиэ кэрэх, куотар аатыгар барбыт. Бүтүтүт ол.

Сахалар абааһыттан куоттаран, оҕо-оҕо ингин араас ааты биэрэллэрэ. Нууччалар кэлиэхтэриттэн нууччалы аат-суол, сүрэхтээһин баран, урукку ааттара хос аат курдук сылдыһаһара. Оттон күлүү-элэкс онгостон ааттаһыны билигин да баар. Оннук ааттар сүрдээһин майгынантан киһи тас көрүнгүн, дьүһүнү-бодотун, тутуну-тун-хаптынытын, саҕатын-ингэтин, сытыгытын-сыһабын, аналатын-акаарытын, туохха дьобурдааһынан майгынантан көрөн бэрт табатык ааттыылара. Билигин холобура сигилитэ алдьаммыт, культуратын сүтэрбит, күлбүтэ-салбыта буолан өрө таһына, өрүү бөһүрүөктэһэ сылдыааччылары «бырахтары» диэн тылы дьон кыбытар буолулар. Эбэтэр саната суох сөмүөлэринэн чэчэгэйдэрин тирээн баран, эрийэ тутан кэбиһилэр даҕаны «бырахтары» диэн буола түһэбин.

Бэбэһээҥнэ диэри оҕолору оскуолаҕа үөрэтэ сылдыһыт



диэн ааттаах киһи баара биллибэт. Дэнгэ көстөр соҕотох аат быһыылаах. Киһи аата дьылбатыгар улахан оруолаах диэн мээһэҕэ эпһэттэр. Аҕатын аатын кытта дьүөрэлэһэн барсар буоллабына, бу киһи олоҕор элбэҕи ситиһиэхтээх диэн буолара. Былыр нуучка сириттэн дьадаҥылар уолаттарын үксүгэр Уйбаан уонна Баһылай диэн ааттыыр буоллахтарына, баайдар ордук хото Ньюкуулай, Өлөксөөндүр диилэр эбит.

Төрөппүттэр оҕолорун төрүүн иннинэ эрдэттэн аатын була са-

рөөтүөнү, чугас аймахтарын ааттарын икки өттүтүн даҕаны умнубаттара. Ити мин сэри кэминээҕи оҕо ыал буолан, оҕо төрөтөр кэмнэrim саҕана этэ. Кэлин дьон эбиллэн иһэринэн, Уйбааннар, Баһылайдар үрүт үөһэ ааттаналларынан уонна дьадаҥылар ааттара буоларын билэн, сөбүлээбэккэ атын нууччалы аакка көһөн барбыттара.

Олох сайдан истэҕин аайы аны атын түүр төрүттээх омукутар күлүүлэригэр барымаары, дьингээх сахалы ааты ылынан эрэллэр. Оҕо төрөөбүтүн



# ЫҢИРЭХ ТЫПТАР

Күндү аҕабытыгар, эһэбитигэр, Нам улдууһун бочуоттаах гражданиныгар, үлэ ветераныгар **ЕГОР ИННОКЕНТЬЕВИЧ ИВАНОВКА** 70 сааскын туолбут үбүлүйдээх күнүнүн эвэрдэ бастыгын аныбыты, алгыс тыл айхалын тиэрдэбит!

Эн өр сылларга ойуур хаһаайыстыбатыгар энкилэ суох бэринилээхтик үлэлээнгин дьон убаастабылын, үтүө сыһыанын, үрдүк сыанабылын ыллын. Эбэбитинээн, Зинаида Федотовналыын, ахсаабат кыһамныгыт, уҕараабат тапталыт, алгыстыгыр кыяхыт биһигини мэлдьи араҥаччылыгыр, биҕэ тирэхтээх, инникигэ эрэллээх, сайдар кэскиллээх буоларга холобурдуур! Баҕарабыт, Эһиэхэ, үтүмөн үгүс үөрүүнү, олоххо дьулургуун, тэтимнин ыһыктыбакка чэгиэн, доруобай сылдьаргар!

**Кэргэниг Зинаида Федотовна, кыһыгын Сардаана, күтүөтүг Александр, уолаттарын Максим, Афанасий, кийииттэрин Ульяна, Оксана, сиэннэриг Егор, Анна, Михаил, Василий, Эльдар, Дархан, Далан**

Күндү кийииптигин, Россия үөрэҕиритин бочуоттаах үлэһитин **ФЕДОРОВА НИЮРБИНА ПЕТРОВНА** олохун орто омурданын туолбутун истинник-итиитик эвэрдэлиибит!

Баҕарабыт үтүө доруобуйаны, дьиз кэргэнгэр байылыат олобу, үлэбэр үрдүк ситиһиилэри. Эһигин куруук таптыгыбыт, ытыктыбыты! **Елена Прокопьевна, Анатолий Анисимович, кинилэр оҕолоро Федор, Роман, Матвей дьиз кэргэттэрэ, оҕолоро**

Үтүө-мааны дьүөгөбүт, **ЕЛИЗАВЕТА СТЕПАНОВНА**, 85 сааскын туолбуккунан истинг эвэрдэ!

Нам сириг иккис дойдун оҕостон, силис-мутук тардан дьоһунмааны олобу ордун. «Сельхозтехника» курдук улахан тэрилтэбэ үтүө суобастаахтык үлэлээн, дьон ытыктабылын ылан дьоһун сыһыалаанга нус-хас олохтоон. Бачча сааскар диэри улахан дьиз кэргэнгэ дурда-хаха буолан олохтоон. Сайаҕас санаабынан, тобуллаҕас өйгүнэн олохторун, сиэннэриг түмөн үтүөгү үөрэтэ, кэрэни кэрэһэли сүбэ-ама буола олохтоон. Саҥа XXI үйэ дьалхааныттан толлубакка тэнгэ хардылыгырттан сөҕө-махтайа саныгыбыт. Эн кэрэ сөбөрүгүн сүтэрбэккэ, өй-санаа өтүгүнэн кэктибэккэ кэлиг.

Баҕарабыт дьиз кэргэттэргэр, аймах дьонгор Далбар хотун буолан, айылҕа бизрбитинэн этэнгэ олох.

**Эвэрдэни кытта Нам с. олохтооҕо, культура, тыл, политическай репрессия ветерана, элбэх оҕо ийэтэ, эбэлэрэ, хос эбэлэрэ Клара Романовна Уваровская; Модут нэһилигин олохтооҕо, Герой-ийэ, нэһилиэк Ытык кийитэ, элбэх дьон, ыал мааны эбэлэрэ, түс-бас кийилэрэ Наталья Иннокентьевна Попова**

Администрация МО «Ленский наслег» объявляет о приеме документов для участия в конкурсе на замещение вакантной должности муниципальной службы:

— заместитель главы по строительству и ЖКХ.

Требуемые документы принимаются конкурсной комиссией с 01.12.2016 г. по 20.12.2016 г. по адресу: с. Намцы, ул. С. Платонова, 28.

Квалификационные требования к кандидатам на замещение вакантной должности: наличие высшего профессионального образования по специальности промышленное и гражданское строительство или инженерно-техническое; опыт работы на руководящей должности не менее 3 лет; знания, необходимые для исполнения должностных обязанностей.

Конкурс на замещение вакантной должности назначен на 20 декабря 2016 года в 16 ч. 30 м. в здании администрации МО «Ленский наслег» по адресу: Намский

улус, с. Намцы, ул. С. Платонова, 28. Подробную информацию о конкурсе можно получить по тел. (8-41162) 41-3-52 или на официальном сайте [www.sakha.gov.ru](http://www.sakha.gov.ru).

## ВНИМАНИЕ ЖИТЕЛЯМ НАМСКОГО УЛУСА!

GAУРС(Я) «Якутлесресурс» предлагает следующие услуги по реализации древесины:

- 1. дрова-швырок — УАЗ (бортовой) стоимость — 1000 руб.;
- 2. столбы для забора (2 м) — 150 руб. (1 шт.).

Телефон для справок: 41-3-55, 89245901059

## ДОРОГИЕ ЖИТЕЛИ НАМСКОГО УЛУСА!

Нотариальная контора переехала по новому адресу: Ст. Платонова, 1, корпус 2 (рядом с кинотеатром «Сардаҥа»).

Тел. 89142348461

Һэн сулууспатын саҕалаабыта. 1971 с. сулууспальыр чаһыттан үчүгэйдик сулууспалы сылдыарын туһунууру ийэлээх аҕагыгар махтал тыллаһа кыһагыттар. 1972 с. «Отличник Советской Армии» диэн бэлиэ наҕараадалаах дойдутугар эргиллэн кэлэр. Армия кэнниттэн кэлэн СМУ-га пилорамаҕа рабочайынан үлэбэ кириэр. 1976 с. «Якутмежсовхозстрой» былаанын аһара толорон, «Победитель социалистического соревнования 1974 года» диэн түөскэ анһыллар бэлиэнэн наҕараадаланар. Ол кэнниттэн Саратов куоракка 1 сыл баран үөрэнэн «Мастер по сельскому строительству» диэн сибидиэтэ-листитбэлээх кэлэн «Межсовхозстройга» тутуучунаан үлэлиир. Үлэлээбитин тухары тэрилтэтин араас грамоталарынан, бириэмийэлэринэн наҕараадаламмыта. Комсомол сьездэригэр, мунһахтарыгар, самодеятельностарга актыбынайдык кыттар этэ. 1983 с. ыал буолан дьиз-уот туттубута.

Кэргэним эрэллээх доҕор, дурда-хаха этэ. Ис-тас үлэлэри сүбэһэн барытын бииргэ ситэрэн оҕоробут. Айылҕаҕа сылдыарын

© Нам с. Октябрьскай ул. 11-р 2 хостоох кыбартыыра атыыланар.

Тел. 89644293082

Считать недействительным утеранный военный билет АХ 1225069 от 01.06.15 г. на имя Никифорова Владислава Никитича.

## РЕШЕНИЕ №18

«Об утверждении базовых ставок, льгот и сроков внесения арендной платы за земельные участки, государственная собственность на которые не разграничена и земельных участков, являющихся собственностью МО «Тюбинский наслег»

В соответствии с Земельным кодексом Российской Федерации, Федеральным законом от 25.10.2001 № 137-ФЗ «О введении в действие Земельного кодекса Российской Федерации» и Порядка определения размера арендной платы и о порядке, условиях и сроках внесения арендной платы за использование земельных участков, государственная собственность на которые не разграничена, утвержденного Постановлением правительства Республики Саха (Якутия) от 26 января 2008 г. № 26 и в целях установления единого порядка и принципов определения арендной платы за земельные участки, государственная собственность на которые не разграничена и земельных участков, являющихся собственностью муниципального образования «Тюбинский наслег», Совет депутатов МО «Тюбинский наслег» РЕШИЛ:

- 1. Утвердить базовые ставки арендной платы в соответствии с разрешенным использованием за земельные участки, государственная собственность на которые не разграничена в муниципальном образовании «Тюбинский наслег» и земельных участков, являющихся собственностью муниципального образования «Тюбинский наслег» (далее – земельные участки), согласно приложению № 1 к настоящему Решению.
- 2. Утвердить сроки внесения арендной платы за земельные участки, согласно приложению № 2 к настоящему Решению.
- 3. Утвердить льготы по арендной плате за земельные участки, согласно приложению № 3 к настоящему Решению.
- 4. Утвердить размер арендной платы за земельные участки, согласно приложению № 4 к настоящему Решению.
- 5. Коэффициент-дефлятор, применяемый для расчета размера арендной платы на 2017 год, равен 1,055.
- 5.1. Коэффициент-дефлятор, применяемый для расчета размера арендной платы на следующие года, устанавливаются распоряжением Главы наслега на основании данных об инфляции на текущий финансовый год.
- 6. За оформление договора аренды земельных участков взимается плата в размере 200,00 (двести) рублей.
- 7. В случае отсутствия кадастровой стоимости применяется нормативная цена земельного участка.
- 8. Решение №9 от 22 июля 2015 г. «Об утверждении базовых ставок, льгот и сроков внесения арендной платы за земельные участки, государственная собственность на которые не разграничена и земельных участков, являющихся собственностью МО «Тюбинский наслег» считать утратившим силу.
- 8. Порядок определения арендной платы исчисляемой в соответствии с настоящим Решением, устанавливается с 1 января 2017 года.
- 9. Настоящее Решение сессии официально опубликовать на официальном сайте [www.sakha.gov.ru](http://www.sakha.gov.ru) и обнародовать вывешиванием на информационном стенде Наследней Администрации МО «Тю-

## «ТУЙМААДА» – ИННИКИГЭ ЭРЭЛ

«Туймаада» хаһыат миигин быһыаан турар. Аһаҕас, чийинэй этиилэрим уонна туруорсууларым иһин миэхэ саба түспүттэрэ, онуоха «Туймаада» миигин көмүскэпитэ.

Хаһыаты киһи саҕаланарыттан бүтүөр диэри биир тыһынан ааҕар. Билингни мунаах кэмгэ хаһыат балаһаларыттан үгүс сөптөөх хоруйу булаҕын. Ол курдук билингни политика уонна экономика туох да киэргэтиитэ суох кэлсэнэр. Киин куоратпыт, ордук тыабыт сириг кыһалҕаларын ааҕан, көр, онноовор хараҕым уута тахсар ээ...

«Туймаада» баар кыһалҕалары көннөрү эридьэстиир эрэ буолбатах, киһи үөскээбит мөкү быһыһы-майгыны хайдах туоратар туһунан эмиэ суруйар. Игиттэн киһи санаата көтөүллэр, инникигэ эрэл үөскүүр.

Онон бар дьоммун ыһтырабын: саха омукупут инники сайдытыгар сүгкэннээхэй төһүү буолар «Туймаада» хаһыакка бука бары көхтөөхтүк сурутуоҕун.

**Максим Николаевич СИБИРЯКОВ, Үлэ Кыһыл Знамята, Бочуот знага уонна партийнай килбиэн иһин орденнар кавалердара, союзнай суолталаах пенсионер, САСР нуорутун хаһаайыстыбатын үтүөлээх үлэһитэ, ССРС уонна Саха АССР спордун маастара.**

\*\*\*

Сурутуу сыаната Дьокуускайга уонна киин улуустарга – 1180 солк. 62 харчы, Бүлүү бөлөх уонна хотугу улуустарга – 1421 солк. 04 харчы. Сүүйүүлээх сурутууга ҮС СҮРҮН БИРИИС: 1-кы супер-приз – «Синтай» тыраахтар, 2-с супер-приз – 100 тыһ. солк., 3-с супер-приз – 50 тыһ.солк. уу харчынан! Ону сэргэ сыаналаах бириистэр: ж/к телевизор, холодильник, суотабай телефон. Маны сэргэ атын үчүгэй бириистэр эмиэ баар буолуохтара. Квитанцияны ыһпаккыт, сурутааччылар испийһэктэрэ республикатаабы почтамант быһа ылыллар. Бириийи оонньотуу баарэдэҕин туһунан суруппут хаһыаккыт бастаы нүмэриэттэн ааҕан билиэххит. «Туймаада» сурутун, бириистэ сүүйүг!

бинский наслег».

10. Настоящее решение вступает в силу со дня его официального обнародования.

11. Контроль исполнения настоящего Решения возложить на постоянную комиссию по бюджету и налогам.

**Председатель Наследнего Совета депутатов МО «Тюбинский наслег» К.К. ФЕДОРОВ**  
**Глава муниципального образования «Тюбинский наслег» Республики Саха (Якутия) К.К. ФЕДОРОВ**

## РЕШЕНИЕ № 20

О земельном налоге

Глава 31 Налогового кодекса РФ и настоящим решением наследнего Совета МО «Тюбинский наслег» на территории муниципального образования «Тюбинский наслег» Намского улуса Республики Саха (Якутия) устанавливается земельный налог, вводится в действие и прекращает действовать в соответствии с Налоговым кодексом Российской Федерации (далее – Кодекс) и решением наследнего Совета и обязателен к уплате на территории МО «Тюбинский наслег».

1. Настоящим решением наследнего Совета МО «Тюбинский наслег» в соответствии с Кодексом определяются налоговые ставки земельного налога, порядок и сроки уплаты налога и авансовых платежей, порядок и сроки предоставления налогоплательщиками документов, подтверждающих право на уменьшение налоговой базы, а также устанавливаются налоговые льготы.

2. Налоговые ставки устанавливаются в следующих размерах:

- 1) 0,1 процентов от кадастровой стоимости в отношении земельных участков: - отнесенных к землям сельскохозяйственного назначения или к землям в составе зон сельскохозяйственного использования в населенных пунктах и используемых для сельскохозяйственного производства;
- занятых жилищным фондом и объектами инженерной инфраструктуры жилищно-коммунального комплекса (за исключением доли в праве на земельный участок, принадлежащей на объект, не относящийся к жилищному фонду и к объектам инженерной инфраструктуры жилищно-коммунального комплекса) или приобретенных (предоставленных) для жилищного строительства;
- приобретенных (предоставленных) для личного подсобного хозяйства, садоводства, огородничества или животноводства, а также дачного хозяйства;
- 2) 0,1 процента от кадастровой стоимости в отношении прочих земельных участков.
- 3. Отчетными периодами для налогоплательщиков — организаций признаются первый, второй и третий кварталы календарного года.
- 4. Налог (авансовые платежи) подлежат уплате в следующем порядке и сроки: 1) Налогоплательщиками — организациями авансовые платежи по налогу уплачиваются не позднее 15-го числа второго месяца, следующего за истекшим отчетным периодом, т.е., за 1 квартал - не позднее 15 мая, за 2 квартал — не позднее 15 августа, за 3 квартал - не позднее 15 ноября текущего налогового периода.

Улэ, тыл ветерана Маркова Матрена Степановнаа таптыр уола

**МАРКОВ**  
**Николай Афанасьевич**  
күн сириттэн соһучу туораабынан дириг курбаммытын тиэрдэбит.  
**Бииргэ үөрэммит 10 «б» кылааһын оҕолоро, 1977 с. выпуск**

Ветерану тыла, труда Матрене Степановне Марковой, родным и близким выражаем глубокое соболезнование по поводу смерти горячо любимого сына

**МАРКОВА**  
**Николай Афанасьевич.**  
**Винокурова М.М., Емельяновы, Степановы, Федоровы, Ядрихины**

## КЭРИЭСТЭБИЛ



Убаастыыркэргэним, бырааппыт, убайым, таайыт Марков Афанасий Харлампьевич ыарахан ыарыыттан бу орто дойдуга суох буолбута ахсынны 5 күнүгэр үһүс сылын туолаа.

Афанасий 1950 с. олунньу 3 күнүгэр ийэтигэр Анастасия Федоровнаа, Харлампий Афанасьевичка уонна чугас аймахтарыгар күүтүүлээх маннайгы оҕонон күн сириг көрөн, Нам улдууһун Хатыг Арыы нэһилиэгэр төрөөбүтэ. Нам орто оскуолатын 1969 с. 10 кыл. бүтэрэн, «Оскуола-производство-үрдүк үөрэх» диэн девизинэн салайтаран, комсомол путевкатынан төрөөбүт нэһилиэгэр фермаҕа үлэли барар.

1970 с. ытык мээһин толоро Советскай Армия кэккэтигэр ыһырыллан сулууспалы барар. Приморскай кыраайга тийиэн, радиотехническай чааска түбэ-

**Тэрийэн таһаарааччылар:** СР Правительствота, «Нам улдууһун «Энсиэли» хаһыат редакцията» автономнай учреждение. Сибээс, информационнай технологиялар уонна маассабай коммуникациялар эйгэлэригэр кэтээн көрүүгэ Федеральнай сулууспа СР управлениетыгар 2012 с. олунньу 7 күнүгэр регистрацияламмыт нүмэрэ — **III.№ТУ14-0216.**

Сурукка ааккытын-суолугутун, үлэһитин, дьизэбит аадырыһын чопчу ыйын. Редакцияҕа киирбит суруктар төннөрүллүбэттэр. **Автор этэрэ хаһыат санаатыннын мэлдьи биир буолбат.**

**«ЭНСИЭЛИ» - Нам улдууһун хаһыата.**  
**678380, Саха Республиката, Нам улдууһа, Нам сэл., Заложная ул. 4.**  
**E-mail: [Namtsy41141@mail.ru](mailto:Namtsy41141@mail.ru)**

«Энсиэли» хаһыат РИС талылына, таһылына уонна бэчээтиир сыһаар бэчээттэннэ. **Аадырыһа:** Нам сэл. Заложная ул. N4 Формата А3. Кээмэйэ 1,0 бэчээт. лис **Көңүл сыананан атылланар Индекс — Р0005.** Тираһа — 1302 Бэчээккэ илии баттаннаагы графига — 12:00 ч. 05.12.2016 с. Бэчээккэ илии баттанна — 11:20 ч. 05.12.2016 с.

**Кылаабынай редактор В.Г. КАСЬЯНОВ**  
**ОТДЕЛЛАР:**  
редакторы солбуйааччы — **41496,** хаһыаты тангы — **41332,** бухгалтерия — **41141,** факс — **41141, 41496.**